



Na osnovu člana 14. Zakona o mladima Federacije Bosne i Hercegovine ("Službene novine FBiH" broj 36/10) i Budžeta Općine Ilidža za 2017. godinu ("Službene novine Kantona Sarajevo", broj 3/17 i 22/17), a na prijedlog Službe za obrazovanje, kulturu, sport i informisanje Općinski načelnik objavljuje

**JAVNI POZIV
za (su)finansiranje projekata za mlade
iz Budžeta Općine Ilidža za 2017. godinu**

I Pravo prijave na Javni poziv

Za dodjelu sredstava iz Budžeta Općine Ilidža za 2017. godinu-stavka Budžet za mlade mogu aplicirati omladinska udruženja, registrovana udruženja i fondacije koji rade za mlade, te neformalne grupe mladih uključujući i vijeća učenika srednjih škola (uz administrativnu podršku registrovanog udruženja čije sjedište se nalazi na području općine Ilidža).

II Uslovi za korištenje sredstava iz Budžeta za mlade Općine Ilidža za 2017. godinu su:

- Da je projekt namijenjen mladim od 15 do 30 godina starosti sa područja općine Ilidža;
- Da aplikanti nisu ogranak bilo koje političke partije;
- Da se projekt realizuje do kraja 2017. godine;
- Da se projekt odnosi na neku od sljedećih oblasti
 - Neformalna edukacija (programi iz oblasti omladinskog aktivizma, kursevi stranih jezika, edukacija u cilju poticanja omladinskog poduzetništva i zapošljavanja mladih)
 - Aktivnosti koje promovišu odgovoran odnos prema prirodi
 - Kreativno izražavanje (škole slikanja i izložbe, koncerti, pozorišne predstave i sl.)
 - Organizovano provođenje slobodnog vremena kroz sportske i rekreativne aktivnosti
 - Promocija zdravih stilova života i socijalne zaštite (borba protiv aktuelnih poroka, zaštita seksualno reproduktivnog zdravlja, prevencija vršnjačkog nasilja, podrška mladim s posebnim potrebama, aktivnosti za socijalno isključene mlade)
 - Izgradnja i razvoj lokalne zajednice (aktivnosti koje potiču na veće učešće mladih u razvoju lokalne zajednice, ravnopravnost spolova, promovisanje volonterizma i timskog rada)
 - Informisanost i mobilnost mladih.

III Sadržaj potrebne dokumentacije

Prijava na Javni poziv treba da sadrži:

a) za udruženja i fondacije

- popunjen prijavni obrazac,
- rješenje o registraciji (ovjerena kopija),
- uvjerenje o poreznoj registraciji (ovjerena kopija),
- transakcijski račun (kopija ugovora s bankom ili potvrda banke),
- projekt kojim udruženje/fondacija aplicira za dodjelu sredstava s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti i načinom praćenja realizacije projekta,
- pismena saglasnost direktora/ice škole (za projekte koji se provode u školama),
- za sportska udruženja potvrda Sportskog saveza Kantona Sarajevo o upisu u matičnu evidenciju sportskih organizacija za 2016. godinu.



b) za neformalne grupe (uključujući vijeća učenika srednjih škola)

- popunjen prijavni obrazac,
- rješenje o registraciji (ovjerena kopija) udruženja sa sjedištem na području općine Ilidža koje daje administrativnu podršku
- uvjerenje o poreznoj registraciji (ovjerena kopija) udruženja sa sjedištem na području općine Ilidža koje daje administrativnu podršku
- transakcijski račun (kopija ugovora s bankom ili potvrda banke) udruženja sa sjedištem na području općine Ilidža koje daje administrativnu podršku
- projekt kojim neformalna grupa/vijeće učenika aplicira za dodjelu sredstava s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti i načinom praćenja realizacije projekta,
- pismena saglasnost direktora/ice škole (za projekte koji se provode u školama),
- potvrda Sportskog saveza Kantona Sarajevo o upisu u matičnu evidenciju sportskih organizacija za 2016. godinu (ukoliko administrativnu podršku daje sportsko udruženje).

IV Mjesto i način podnošenja prijave

Obrazac prijave za (su)finansiranje projekata za mlade može se preuzeti na Info desku Centra za pružanje usluga građanima Općine Ilidža (Butmirska cesta 12) i web-stranici Općine Ilidža: www.opcinailidza.ba.

Prijave sa potrebnom dokumentacijom dostavljaju se na adresu Općine Ilidža, Butmirska cesta 12, s naznakom: „Projekti za mlade“ i tačno naznačenom oblasti iz ovog poziva za koju se aplicira.

V Rok za podnošenje prijave

Krajnji rok za podnošenje prijave je 30 dana od dana objavljivanja.
Nepotpune i neblagovremene prijave neće biti uzete u razmatranje.

VI Ostale odredbe

Aplikant može tražiti ukupan iznos vrijednosti projekta ili dio nedostajućih sredstava, što je dužan naznačiti u prijavnim obrascu.

Odabrani korisnici, po ovom Javnom pozivu, potpisuće ugovor sa Općinom Ilidža.

Broj: 07-14-2810/17
Ilidža, 19.07.2017.g.

OPĆINSKI NAČELNIK

Prof.dr Senaid Memić

